

## МЕСЯЦА ЯНВАРЯ В 21-Й ДЕНЬ

**Преподобнаго отца нашего Максима Исповедника  
и святаго мученика Неофита. И святых мучеников  
Евгения, Кандидия, Валериана и Акилы.  
Служба их поётся на повечерии.**

**На Господи, возвах: стихиры Максима, на 6,  
глас 4.**

**Подобен: Яко дбля:**



а милосердие бывша Человека, яко благо-  
изволи, / во дву хотениих, действиях же  
разумеваема, преподобне, / проповедал  
еси, Максиме, / заграждая скверных неза-  
творенная уста, / единовольна, единоейственна  
Того славающих, / искушением диавольским злобу  
содѣлавшаго.

**Ж**илами учений твоих / Пирра, отче, удавил  
еси, / буесловяща, Максиме, зломудреннаго, / и  
гонения претерпел еси, и скорби, приснопамятне, /  
ураняемь люте, и язык отрѣзуемь, / и юже всегда к  
Богу простираемую Божественную руку, / еюже  
пища, совершил еси высокая словеса.

**С**корописца яко трость, наострена Духом, / свя-  
тый бысть, блаженне, язык твой, / добропшущ  
благодатию на скрижалях сердец наших / закон  
Божественных добродетелей, и учением изве-  
стие, / и воплощение во дву существах человеком /  
и Единей Ипостаси явиться восхотевшаго.

## Ины стихиры мученика Неофита, глас 8.

Подобен: О, преславнаго чудесе:

**О**, преславнаго чудесе! / Голубь беседует Неофиту мученику / человеческим вещанием, / от Вышних пришедший, / егоче ради и облистает житие равноангельно, / имже, юношествуя, страждет крепко. / О, Божественных деяний пятострадальнаго мученика! / Егоче молитвами спаси души наша, Христе, / яко Благоутробен.

**О**, преславнаго чудесе! / От пелен самех совершенномудрый Неофит / совершает чудеса действием Духа: / из камене воду молитвами источает, / мертвую воздвизает, / еяже явися пород. / О, Божественных деяний пятострадальнаго мученика! / Егоче молитвами спаси души наша, Христе, / яко Благоутробен.

**О**, преславнаго чудесе! / За Христа страждатреблаженный Неофит, / враги устраши изрядными видениями, / огонь угасает сему вметаему, / сверепыя звери устрашившияся показует. / О державо непобедимая, / в нейже удивляется страдалец! / Но молитвами его спаси ны, Боже.

## Слава, преподобнаго, глас 6:

**Преподобне** отче, / во всю землю изыде вещание исправлений твоих. / Тем на Небесех обрел еси мзду трудов твоих, / демонския погубил еси полки / и Ангельския достигл еси чины, / ихже житию без порока поревновал еси, / дерзновение имея ко Христу Богу, / мир испроси душам нашим.

## И ныне, Богородичен.

**Аще среда или пятък, Крестобогородичен.**

Подобен: Всю отложивше:

**Агнца** Своего / Агница нескверная древле и Непорочная Владычица / на Древе Крестнем яко узре, / матерски восклицаше / и, дивящися, вопияше: / Чадо сладчайшее, / что зрение сие, новое и преславное? / Како сонм безблагодатный / судищу Пилатову предаде Тя / и осуждает на смерть Жизнь всяческих? / Но воспеваю Твое неизреченное, / Слове, снизхождение.

## На стихóвне Окто́иха.

### Сла́ва, глас 8:

Мона́хов мно́жества, / наста́вника тя почита́ем,  
 óтче наш Макси́ме: / твоёю бо стезёю войсти́нну  
 пра́во ходи́ти позна́хом. / Блаже́н еси́, Христу́  
 рабо́тав, / и вра́жию обличи́л еси́ си́лу, / А́нгелов  
 собесéднице, преподо́бных соприча́стнице и пра́-  
 ведных, / с ни́миже моли́ся Го́сподеви / поми́лова-  
 тися душа́м на́шим.

### И ны́не, Богоро́дичен или́ Крестобогоро́дичен.

Подóбен: О, пресла́внаго чудесе́!

Что́ зримо́е видéние, / е́же Мойми очесы́ ви́дит-  
 ся, / о Влады́ко! / Содержа́й всю тварь, / на Дре́во  
 воздви́жен быв, / и умира́еши, всем Дай́ жизнь? —  
 / Богоро́дица, пла́чущи, глаго́лаше, / егда́ узре́ на  
 Кресте́ возно́сима / из Нея́ неизрече́нно воз-  
 сия́вшаго / Бо́га и Чело́века.

### Тропа́рь, глас 8:

**П**равосла́вия наста́вниче, / благоче́стия учи́те-  
 лю и чистоты́, / вселённыя свети́льниче, / мона́-  
 шествующих Богоду́хновенное удо́брение, / Мак-  
 си́ме премудре, / учёными твоими́ вся просвети́л  
 еси́, / цевнице́ духо́вная, / моли́ Христа́ Бо́га спа-  
 сти́ся душа́м на́шим.

### Други́й тропарь, мученика, глас 4:

**М**ученик Твой, Го́споди, Неофи́т / во страда́нии  
 своём вене́ц при́ят нетле́нный от Тебе́, Бо́га  
 на́шего: / имей́ бо кре́пость Твою́, / мучи́телей  
 низложи́, / сокруши́ и де́монов немощны́я дерзо-  
 сти. / Того́ моли́твами / спаси́ ду́ши на́ша.



### НА ПОВЕЧЕРИИ

После́дование мучеников поётся на повечéрии.  
 Канон, е́гоже краегране́сие: Четвери́цу пою́ муче-  
 ников победоно́сных, глас 2.

### Песнь 1

Ирмо́с: Нетре́ну, необы́чну, / немо́крено  
 морскую́ шествова́в стезю́, / избра́нный вопи́яше  
 Изра́иль: / Го́сподеви по́йм, я́ко просла́вился.

**С**вѣтлостію Трисѣлнечныя благодати, славнии мученицы, озаряеми, / воспевающія вашу память всечестную просветите, / от тьмы избавляюще страстей и обстояний.

**О**свещаемы Всесвятым Духом, мира оставльше бурю, / удалистеся в горах, мудрии мученицы славнии, / к Божественному страданію обучаеми, / еже и свѣтло совершите.

**У**тверждаеми державною Зиждителя и всекрепкою силою, / Божественнии мученицы, / обуреваемы многими явистеся непреклонни в муках, / всю поправше врагов силу.

**Богородичен:** Милости мя, благословенная Владычице, / Божественныя получи ти сподоби предстательства Твоими, / рождающая плотию Слово Милостивнейшее и Благоприменительное, / приемлющее к Немѹ притекающія.

### Песнь 3

**Ирмос:** На камени мя веры утвердив, / разширил еси уста моя на враги моя, / возвесели бо ся дух мой, внигда пѣти: / несть свят, якоже Бог наш, / и несть праведен, паче Тебѣ, Господи.

**Л**юбовию уязвляеми Владычнейю, муки претерпѣсте многообразныя: / жилами бо суровейше, страдалцы, биеми, / огнем же отвсюду люто опаляеми, непреклонни пребысте.

**У**крепляеми силою Господнею, изыдоште к борению врага / и сего низложите, страстотерпцы, Христу зовуще: / Ты еси Бог наш, и несть праведен, паче Тебѣ, Господи.

**С**о Ангелы ликующе в Вышних и с соборы соединяеми мучеников, / с сими молитесь / избавити всякия скорби и обстояния вас чтущія, / Божественнии мученицы.

**Богородичен:** Согласно Тя, Всепетая, благословим, / Еюже нам возсия неизреченно Сияние Невечернее, и вопиѣм: / спасай рабы Твоя всякаго озлобления, / верных бо Помощница Ты еси.

### Песнь 4

**Ирмос:** Пою Тя, слухом бо, Господи, услышах и ужасохся: / до мене бо идеши, мене ища, заблуж-

дшаго. / Тем многое Твое снизхождение, еже на мя,  
прославляю, / Многомилостиве.

**Поюще** благочестно, почитим Евгениево дерзнове-  
ние, / Акилы противление, / Канидиево же тер-  
пение, / купно с ними почитающе и Валерианову  
крепость.

**Неистовством** одержан, мучитель / ужами ра-  
стягнена немилостиво бити тя повелевает, / и  
железом вельми строгати тя, Евгение, / и свещами  
опаляти тело твоё.

**Непщевав** пребезумный мучитель / твердость  
вашу муками разорити, мудрии мученицы, / мукам  
подлагает вас горчайшим, / но благодатию Вседет-  
теля Христа сего посрамите.

**Богородичен:** Яко едина верных помощи, / Все-  
благословенная Богородице, / от всяких избави  
скорбей Твоя рабы, / тепле блажащая Тя и в  
Божественный кров Твой притекающая.

### Песнь 5

**Ирмос:** Просвещение во тьме лежащих, / спасе-  
ние отчаянных, Христэ Спасе мой, / к Тебе утрен-  
нюю, Царю мира, / просвети мя сиянием Твоим: /  
иного бо, разве Тебе, бога не знаю.

**Мученическое** показуя воистинну терпение, /  
стал еси, яко адамант, горькия муки подъемля / и  
взывая Зиждителю благодарно, мучениче Евге-  
ние: / иного бо, разве Тебе, бога не знаем.

**Безвестию** боги идольския препослал еси / свя-  
щеннейшими твоими к Зиждителю молитвами, /  
подъял еси раны многообразныя по всему телу, /  
мучениче Евгение, / палицами нещадно ураняемь.

**Богородичен:** Избави нас, Всесвятая Дево, вся-  
каго вреда, / Ты бо Предстательница еси наша, /  
надлежащих на Тя, Богородице, и вопиющих  
Божественному Рождеству Твоему: / иного бо,  
разве Тебе, бога не знаем.

### Песнь 6

**Ирмос:** К о Господу от кита Иона возопи: / Ты мя  
возведи из глубины ада, молюся, / да яко Избавите-  
лю во главе хваления / истины же Духом пожру  
Тебе.

Простира́еми на дрéве, и желéзом стру́жеми  
я́ростию судя́щаго / и жи́лами ссека́еми по плещéм  
неща́дно, и огнём опаля́еми, / добропобéднии муче-  
ницы ра́довахуся.

Терпéл еси́ тéлом, свещáми опаля́емь, / и на  
дрéве, слáвне, протя́аемь, Евгéние, / и со́лию рáны  
неща́дно посыпáемы / беззакóннаго мучи́теля су-  
ровствóм.

**Богорóдичен:** Да избáвимся вся́каго навéта и  
скóрби, Богора́дованная, / и́же в Твой покрóв  
притека́ющей, / и любóвию Тя прíсно благочéстно  
слáвляще, / я́ко Мáтерь Бóжию Всенепорóчную.

#### Седáлен, глас 4.

**Подóбен:** Яв́ился еси́ днесь:

Красотá просия́вши твёрдых мучеников, / четве-  
ри́ца озари́ четы́ре концы́ мíра заря́ми, / страда́нь-  
ми мучеников и си́лами, / от нíхже сия́ет вели́кий  
Евгéний.

#### Песнь 7

**Ирмо́с:** *Образу златóму, на по́ли Де́йре служи́-  
му, / три́е Твой о́троцы небрегóша безбóжнаго  
велéния, / посреде́ же огня́ ввёржени, ороша́еми,  
по́яху: / благословéн еси́, Бóже отец на́ших.*

Пóдвиги свéтлыми облéклся еси́ мýжески на  
прéлесть / и, победоно́сец, о Евгéние, Божéствен-  
ным мановéнием быв, / обрёл еси́ воздая́ния тру-  
до́в, со Ангелы же поéши: / благословéн еси́, Бóже  
отцéв на́ших.

Крест Христóв имúще, страда́льцы, я́ко Божé-  
ственное ору́жие, / диáволе ополчéние и мучи́те-  
лей противлéние вку́пе низложíte, / побéды вен-  
цы́ приéмше от жизнóносныя десни́цы Страстопо-  
лóжника Бóга.

Умо́м чýстым мук прилóги не поколебáлся еси́, /  
но непрестáнно, о Евгéние, пáлицами биéшь, /  
изря́днейше посéкл еси́, мучениче, сопроти́влени-  
ем страда́ний твои́х / главы́ враго́в и невидимых  
супостáтов.

**Богорóдичен:** Се во́истинну, я́ко прорекла́ еси́, /  
ро́ди Тя, Всечы́стая, вси́ достойно ублажа́ем и по  
до́лгу слáвим: / Ты бо Собезначáльное Сло́во О́тчее  
родила́ еси́, / за éже спасти́ челове́ки, / воплощён-  
ное из Тебе́.

## Песнь 8

**Ирмос:** В пещь огненную ко отроком еврейским  
снизшедшаго / и пламень в росу преложшаго  
Бога, / пойте, дела, яко Господа / и превозносите во  
вся веки.

Всякому лукавному коварству гонителей  
сопротивися / Валериан же, и славный с ним  
Акила, / и Божественный Евгений / купно со  
страдальцем Канидием доблественным.

Богозарная чудных страстотерпцев Христовых  
наста память, / Валериана же и Евгения купно, /  
Акилы Божественнаго и Канидия, / юже радостно  
совершаем любовью.

Световидными лучами облистаяючи нам светло, /  
наста летняя память страстотерпцев Христовых, /  
Акилы Божественнаго и Канидия купно, / и Евге-  
ния, и Валериана.

**Богородичен:** Соприсносущный Отцу и Собе-  
начальный Сын из Тебе пройде, в последняя лета, /  
за еже спасти ны, Дево Чистая Неискусобрачная, /  
Егоже не престаи нам умилоствляючи.

## Песнь 9

**Ирмос:** От Бога Бога Слова, / неизреченною  
мудростию пришедшаго обновити Адама, ядию в  
тление падшаго люте, / от Святыя Девы неизрече-  
но воплотившагося нас ради, / вернии, единомуд-  
ренно песнями величаем.

Стремление победил еси мучителей, / по множай-  
ших муках прешед к Богу прерадостно, / победы  
почести прием, яко оружник доблественный, / яко  
велик храбрник, яко избранный Христов воин,  
Евгение всеизящнейший.

Со Ангельскими лики, и мученическими соборы  
совокупльшися, и праведных чины, / ныне с ними  
молитесь / вас воспевающим даровати очищение  
грехов / и всяких бед, мученицы, избавление.

О нас, совершающих светлую вашу память,  
Евгение Богомудре, благочестно, / мучениче Аки-  
ло всеславне и Валериане с Канидием состра-  
дальцем, / прилежно умолите Христа Пребла-  
гаго.

**Богородичен:** Тя, Всесвятая Дѣво, / Ангелов множества и всех человек рѣди прерадостно ублажают: / всех бо Спаса, и Зиждителя, и Владыку, и Бога породила еси, / Егѣже о нас моли.

**Стихиры, глас 2.**

**Подобен:** Егда от Древа:

**Пѣснями** восхвалим, вернии, / истинно Божественныя оруженники и страдальцы Христовы: / мудраго Евгенія и Валериана, / Кандидия славнаго и сострадальца / купно со Акилою, / верно ублажающе сия, яко пострадавший странно, / яко да в час осуждения нас изымлют мучения.

**Мучениче** страсотерпче Христов, / твоѣ вервми тѣло наляцаемо / яростию мучителя зельно строгашеся, / нещадно же опаляшеся, / биемо, мучениче, свещами опаляемо / и притриваемо солю и оцтом лютѣйшим, / ты же претерпел еси вся, Евгение блаженне, ради Господа.

**Закон** спасительный яве имея в сердцы твоѣм, мучениче, / мир оставил еси, / горам же приближился еси, / к Божественному страданію обучаея, блаженне, / воистинну совершенному; / еже и приемля, радуясь, / претерпел еси все телесе строгание / и огня лютѣйшее, Валериане мучениче, попаление.

**Слава, и ныне, Богородичен:**

**Радуйся!**—вся тварь Тебѣ вопіет: / радуйся, Всесвятая Дѣво, / радуйся, скиптре Давидов; / радуйся, прозябшая грозд тайный; / радуйся, двере Небесная и неопалимая купино; / радуйся, свете всемирный; / радуйся, всех радосте; / радуйся, заступление; / радуйся, чисте притекающих в Твою помощь, Всенепорочная.

**Крестобогородичен:**

**Егда** нескверная Агница / виде Своего Агнца, / на заклѣние яко Человека волею влекома, / плачущи, глаголаше: / безчадствовати Мя ныне тицишися, Христѣ, рѣдшую Тя, / что сие сотворил еси, Избавителю всяческих? / Обаче воспеваю / и славлю Твою, юже паче ума и слова, / крайнюю благодать, / Человеколюбче.





### НА УТРЕНИ

**Един канон Октоиха и святых два. Канон преподобнаго, егоже краегранесие кроме Богородичнов: Всевеличайший Максим да славится. Творение Иоанна монаха, глас 8.**

#### Песнь 1

**Ирмос:** *Поим Господеви, / проведшему люди  
Свою сквозе Черное море, / яко Един славно  
прославися.*

**Всю** мне Богодухновенную от медоточнаго и сладкаго твоего искапай языка, / Божественный Максиме, благодать Духа.

**Огнь** горящ явился еси на ереси, блаженне: / яко бо тростие, сия изнурил еси ревностию Духа.

**Безсловесное** предложися от злочестивейшаго произволения единовольное учение, / словесы же твоими, отче, обличися.

**Богородичен:** **Весь** желание, из утробы Твоея, Богоневесто, благоизволивый родитися, / и Сладость есть, и Свет незаходимый.

**Канон мученика, глас тойже, егоже краегранесие:** Христов сад тя, мучениче, благохвалю новый. Творение Иосифово.

#### Песнь 1

**Ирмос:** *Воду* прошед, яко сушу, / и египетскаго зла избежав, / израильтянин вопияше: / *Избавителю и Богу нашему поим.*

**Христов** тя, всеблаженне, новый сад, в вертограде процветший мученичеством, / и священныя плоды благочестия израстивша, познавше, поем, Неофите.

**Глаголов** Божественных исполнитель показався, блаженне, / от младенства благою часть мудре избрал еси / и наставник заблуждшим был еси.

**Видети** желая Христа, плотию из Девы младенствовавшего нас ради, / младенец сый, младенцев к совершенству водий мудрование.

**Искапай,** Богомудре, сладость Богоразумия из уст священных, / души, очарованныя злобою чуждаго, честно усладил еси.

**Богородичен:** Рóждшая естеством Содетеля, обожíла еси́ все существо́ земнорóдных, / тёмже Тя, войстинну Богородицу, исповедуем, Дéво Богоневéсто.

### Песнь 3

**Ирмос:** Ты еси́ утверждение притека́ющих к Тебé, Гóсподи, / Ты еси́ свет омрачénных, / и поёт Тя дух мой.

**Величайший** Максím, благочестíвыя Христóвы вéры / всейстинно проповéдник же и мученик показáся крóвию.

**Максíme** блаженне, / ты пощением был еси́ Боголéпное любомúдрия и чíстое жилище.

**Излия** язык твой реку́ Христóвых учéний благочестне, / Максíme всеблаженне, / премúдрости питáтель.

**Богородичен:** Да стезю́, Влады́ко, ко святы́ни ведущую, пока́жеш нам, / во утробу́ всесвятую́ всели́лся еси́.

### Ин. Ирмос тойже

**Всего́** возложена́ ты Всещéдрому Сло́ву / Чíстый Дух соблюда́ше невредíма, сла́вне.

**Воспéша** Гóспода мно́жества люде́й вёрных, / видевше тобою́, мучениче, рóждшия ты из мёртвых востáние.

**Свётом** облиста́ющая голуби́ца, / гласом живы́м ты и путём спасительным призывáет, Неофíте.

**Богородичен:** Пéние радостное род челове́ческий прíсно приноша́ет Тебé, Мати́ Бóжия, / безсме́ртие Тебé ра́ди восприёмший.

### Конда́к, глас 8.

Подóбен: Взбра́нной:

**Т**ро́ицы рачíteля и вели́каго Максíма, / науча́ющая я́сно вéре Божéственней, / éже сла́вити Христа́, во двý естества́х, волях же и де́йствах сýща, / в пéснях достóйных, вёрнии, почтím, зыва́юще: / ра́дуйся, проповéдниче вéры.

### Та́же седа́лен, глас 5.

Подóбен: Собезнача́льное Сло́во:

**Гонéния** претерпéв за вéру, / отгна́л еси́, óтче, вся́ку е́ресь, / отсéчен же с руко́ю язык, Максíme, /

исповѣдания благолѣпный от руки Творца приял еси венѣц, блаженне./ Егѡже ныне непрестанно моли/ помилѡваться душам нашим.

### **Слава, мученика, глас 4.**

**Подобен:** Вознесѣйся на Крест:

**Новоцвѣтный** якоже сад, прозябл еси/ в вертоградех Христовыхъ страсотѣрщев,/ плоды Божественнаго разума принѣсл еси,/ имиже питаются верно ты чтущии, славне Неофите,/ страдальче доблемудренный,/ но твоими молитвами/ нас всегда спасай, Богу предстоая.

### **И ныне, Богородичен.**

**По** Бѡзе в Твой, Богородице, прибѣг смиренный покров Божественный,/ припадаая, молюся:/ помилуй, Пречистая, яко превзыдоша главу мою греси,/ и боюся, Владычице, мук, и трепещу./ Молѣние сотвори, Чистая, к Сыну Твоему/ от сих избавити мя.

### **Крестобогородичен:**

**Из** Безначальнаго Отца рожденнаго,/ напоследок Ты плотию Рѡждшая/ на Крестѣ висяща зрящи, Христѣ,—/ увы Мне, любезнейший Иисусе!—вопийше,—/ како славимый яко Бог от Ангел,/ от беззаконныхъ ныне челоуѣков, Сыне, хотя, распинаѣешися?/ Пою Тя, Долготерпеливе.

### **Песнь 4**

**Ирмос:** Услышах, Господи,/ смотрѣния Твоего таинство,/ разумѣхъ дела Твоя/ и прославихъ Твое Божество.

**Земнородныхъ** ты почитают, и Небесныхъ чини чудятся,/ любовью бо мудрости показался еси, отче, яко безплотен.

**Суровъ** убо мучитель, но терпѣние твое непреклонно,/ тем ты убо ублажился еси, вселукавый же извержесея.

**Состраждет** тебѣ, Максиме, учениковъ двоица преблаженная,/ твоимъ страданіемъ приобщившесе,/ темже и почестей равно получиша.

**Течениемъ** твоея крове напаяема,/ Церковь Христова прозябаетъ отеческаго преданія Божественное семя/ твоимъ учениемъ, преподобне.

**Богородичен:** Избавльшися Рождеством Твоим греховнаго долга, Всенепорочная, / радостное пение возсылаем Тебе, Богоневесто.

**Ин. Ирмос тойже**

**Жития** твоего непорочное и разума неужасное / множества премнога зряще, к Богу приступиша, мучениче славне.

Гору достиг, вселился еси, Божественным наставляемь, блаженне, Духом, / от Ангела же питаемь, Ангелов явился еси равностоятелен.

Сострадательно расточив, дал еси убогим, якоже повелено бысть, / возмездие приемля, блаженне, во веки непроходимыя.

**Богородичен:** Вольно обнищавшаго богатством благодости, / Пребожественнаго, Богородице, родила еси, / нашу нищету ущедрившаго.

**Песнь 5**

**Ирмос:** Утренююще, вопиём Ти: / Господи, спаси ны, / Ты бо еси Бог наш, / разве Тебе, иного не вемы.

Разум земнородных собрав и Небесных, / вправду философ именуется Максим.

Премудрости безмерным желанием / Христа твоего подобник изряднейший явился еси, славный Максиме.

Гневом изгнан был еси мучителя, / обрел же еси, блаженне, Иисуса утешение.

**Богородичен:** Тя Богородицу неведущии, Богомати, / Света да не узрят, рождшагося из Тебе, Пречистая.

**Ин**

**Ирмос:** Вскую мя отринул еси / от лица Твоего, Свете Незаходимый, / и покрывла мя есть чуждая тьма, окайннаго? / Но обрати мя и к свету заповедей Твоих / пути моя направи, молюся.

Таин неизреченных исполнен быв, досточудне, / к предлежащим страдания, радуясь, отлучился еси мужеским подвигом, / не убоявся мук, ниже смерти, / мучениче Неофите.

Неизреченным промыслением твоим Направляющего шествия, славне, / представше, Божествен-

нии Ангели к подвигу влечаху ты от горы, якоже другаго Моисея, / прославленна лицем Божественными светлостьми.

**Глагол жив в сердце имея, всеславне мучениче Неофите, / дерзновенным умом гонителем вопиял еси: / самозван не ищущим мя обретохся ныне обличити ваша веры немощь.**

**Богородичен: Е**же прежде всех веков, Отроковице Всенепорочная, / Божественное таинство сокровенное Тобою познася концем: / Сын и Слово Божие, плоть быв и обожив, Дево, человека.

### Песнь 6

**Ирмос: Р**изу мне подаждь светлу, / одейся светом, яко ризою, / Многомилостиве Христе Боже наш.

**Н**епрестанно приносиши Богу, Богомудре, мольбу, / душевных же и телесных страстей и тления мя избавити.

**И**зсушися ересей источник мутный весь, славне Максиме, / заграждаемь шумом языка твоего.

**О**чисти мя, Единое Блаже, / и источник благодати, Христе, / сердцу моему Твоего преподобнаго молитвами источи.

**Богородичен: К**раснейший паче всех человек Сын Твой, Всечистая, добротой Божества, / аще и плоть нас ради бысть.

### Ин

**Ирмос: М**олитву пролию ко Господу / и Тому возведу печали моя, / яко зол душа моя исполнися / и живот мой аду приближися, / и молюся, яко Иона: / от тли, Боже, возведи мя.

**В**озвышаемь на древе, всеблаженне, / железом по ребром строган был еси немилостивно / и лстываго обличеньми ожесточенное сердце расторгл еси, / повелевающаго жрети богом и Бога отрещися Безсмертнаго.

**Р**астерзаемь и вяжемь, мучениче, связал еси до конца леств, / и врага безчынная шествия бездельна показал еси силою Духа, / и потекл еси к Небеси венцосец Господу предстати.

**У**сладився добротами Владыки и Тому прилепился еси, зовый: / Слове Божий, Тебе ради,

пожёршагося волею, аз закалаюся, / подобяся  
преявственне честным Твоим и Божественным  
страданием.

**Богородичен:** Пресвѣтлый явилася еси Престол  
Царя Небеснаго, Дѣво, / на Немже плотию воспочи  
волею, и многий наш долг отъят, / и посади на  
Отчем престоле Человека, якоже благоволил еси.

### Кондак, глас 6.

Подобен: Еже о нас исполнив:

**С**вет Трисиянный, всельшийся в душу твою, /  
сосуд избран показатя, всеблаженне, / явля-  
юща Божественная концем, / неудобопостижных  
разумений ты скажуй, блаженне, / и Троицу всем,  
Максиме, возпроповедуя ясно, / Пресущную, Без-  
начальную.

### Икос:

Подражатель явився Спасовых страстей / и Того  
в души твоей имея, всеблаженне, / восхождения в  
сердцы твоим возложил еси, пребогате. / Той же  
тебе подаде благодать с Небес, / сопротивил бо ся  
еси мучителем, мудре, мужески, / Безначальную, и  
Божественную, и Единосущную Троицу пропове-  
дуя / и обличая злославныя и богоборныя. / Без-  
численныя претерпел еси напасти, всехвальне, /  
языка отрезание Богословнаго, преподобне, и  
твоея руки вкупе. / Не престал же еси ты, со  
дерзновением глаголя / и утверждая верныя Божэ-  
ственными твоими учении, / Троицу всем людем  
проповедуя ясно, / Пресущную, Безначальную.

### Песнь 7

**Ирмос:** От Иудей дошедше, отроцы / в Вавилоне  
иногда / верою трійческою пламень пещный по-  
праша, поюще: / отцев Боже, благословен еси.

Едино естество Троицы, едино хотение рекл еси,  
едино действо, / Бога же, воплощагося во двою  
естеству, / хотению же и действу проповедал еси. /  
Отцев наших Боже, благословен еси.

Не воли две разделяемыя разума противно-  
стию, / качеством же паче проповедал еси, отче,  
естественным разнствующия. / Отцев наших Боже,  
благословен еси.

**Столп православия Божественная твоя словеса,**  
 отче, держаще, / Единого от Троицы во двух  
 Существах и волях почитаем. / Отцев наших Боже,  
 благословен еси.

**Богородичен:** Юнаго носящи Младенца, / прежде  
 всех веков Бога, Всенепорочная, из Тебе  
 воплощагося, / не престай молящи спасти по-  
 ющих: / отцев наших Боже, благословен еси.

### Ин

**Ирмос:** Отроцы еврейстии в пещи / попраша  
 пламень дерзновенно / и на росу огонь преложыша,  
 вопиюще: / благословен еси, Господи Боже, во  
 веки.

Пещь живогорящу сотворив, пребеззаконный в  
 сей заключает на три дни, / не опалился же еси  
 отнюд, вопия, Неофите: / благословен еси, Господи  
 Боже, во веки.

Наслаждаешься песней преславно, / стоящу ти  
 посреде пламене, блаженне, / роса бо Божия  
 прохлаждала те, мучениче, вопиюще: / благосло-  
 вен еси, Господи Боже, во веки.

Величайшее чудо удивляя всяк ум, в тебе  
 содеянное: / ибо огонь никакоже опалил тя, Богомуд-  
 ре, / разлився же, попали огня наследники.

**Богородичен:** Явилася еси Ангелов превышши, /  
 Совета Великаго Ангела рождши, Богородице  
 Чистая, / Емуже вси песнопоем: / благословен еси,  
 Господи Боже, во веки.

### Песнь 8

**Ирмос:** Победители мучителя и пламене / благо-  
 датию Твоею бывше, / заповедем Твоим зело при-  
 лежаще, отроцы вопияху: / благословите, вся дела  
 Господня, Господа.

Весьма возлюбив Превозлюбившаго род челове-  
 ческий, / крест Твой взял еси и Тому, блаженне,  
 сраспялся еси, / благословите, поя, дела Господня,  
 Господа.

Устранився всякия сласти, блаженне, смерто-  
 носныя, / тебе соделал еси всего нескверно зерца-  
 ло Божественное, поя: / благословите, вся дела  
 Господня, Господа.

**Живоносну зарю от Единого Божества Триипо-**

ста́снаго приёма, / яви́лся еси́ су́щим во тьме со́лнце заблуж́дшим, / благослови́те, — по́й, — вся дела́ Господня́, Го́спода.

**Богородичен:** *Жизни Твоя́ Мать и Бога Родительницу позна́вше, / правосла́вною ве́рою вси блажи́м, Богороди́тельнице, / благосло́вляще купно Рождество́ Твое́, Чи́стая, и превозно́сяще во ве́ки.*

### Ин

**Ирмос:** *Седмери́цею пещь / халде́йский мучитель / Богочести́вым неисто́вно разжже́, / си́лою же лу́чшею спасе́ны, сия́ ви́дев, / Творцу́ и Изба́вителю вопия́ше: / о́троцы, благослови́те, / священни́цы, воспойте, / лю́дие, превозно́сите во вся ве́ки.*

**Юным,** всеблаже́нне, те́лом и соверше́нным мудрова́нием / началозло́бнаго лука́вство погуби́л еси́, / Сад красне́йший, прозя́бший во дво́рех, от Иессее́ва изра́стшаго ко́рене, / к Немуже́ вопия́л еси́ непреста́нно: / священни́цы, воспойте, / лю́дие, превозно́сите во вся ве́ки.

**На суди́щи** зве́рие тебе́, страстоте́рпче, устыде́шася, / я́коже Дании́ла свяще́ннаго пе́рвее, / Христо́вых бо ты позна́ша страда́ний свиде́теля. / Егоче́ испове́дуя, нестерпи́мыя му́ки претерпе́л еси́, взыва́я: / священни́цы, воспойте, / лю́дие, превозно́сите во вся ве́ки.

**Позна́вший** ты пе́рвее в горе́, Неофи́те, лев превели́кий, / на суди́щи связа́ну приведе́н, напу́щается в муче́нии твоём, страда́льче / и, позна́в, покланя́шеся тебе́ со стра́хом, студо́м одержи́м / и исто́чники умиле́нием слез благочу́вственне пролива́я, Богоблаже́ние.

**Богородичен:** *Но́во Отроча́ родила́ еси, / пре́жде всея́ тва́ри ро́ждшагося из Отца́ несказа́нно, Всечи́стая. / Того́ у́бо моли́ обветшавша́го прегреше́ньми ны́не обнови́ти и вопию́ща мя спасти́: / о́троцы, благослови́те, священни́цы, воспойте, / лю́дие, превозно́сите во вся ве́ки.*

### Песнь 9

**Ирмос:** *Проявле́нное на горе́ законополо́жнику / во огни́ и купине́ Рождество́ Присноде́вы / в на́ше, ве́рных, спасе́ние / пе́снями немол́чными велича́ем.*



**Еще** твоѣ, ꙗко **Авелева**, кровь и во вѣки **Богодох-**  
**новѣнныя догматы**/ гла́сом ꙗсным **Христо́ве**  
**Цѣркви** проповѣдует,/ **Максѣме** всеблаженне и  
превеликий.

**Отсече́ся** рука́, пишет же **Божѣственным** пер-  
стом,/ ꙗко тростію и черни́лом,/ **отрезанным**  
язы́ком и твоѣю крѡвию **честно́ю** вѣру в сердца́х  
правосла́вную.

**Стал** еси́ пред престѡлом **Божѣственным** с муче-  
ники,/ ихже ре́вности и вѣры **приобщѣлся** еси́,  
ѡтче,/ и нас усвой **Влады́це** и твоѣ **подражатели**  
содѣлай.

**Богорѡдичен:** Ты еси́, **Богорѡдице**, ору́жие на́ше  
и стена́,/ Ты еси́ заступле́ние к Тебе́ **прибегá-**  
**ющих**,/ Тя и ны́не на **моли́тву** **предлага́ем**, да  
избáвимся от враго́в на́ших.

### Ин

**Ирмо́с:** Устраши́ся **всяк слух**/ неизрече́нна **Бо́-**  
**жия** **снизхожде́ния**,/ ꙗко **Вы́шний** волею **снѣде**  
**да́же** и до **плѡти**,/ от **деви́ческаго** чре́ва **быв**  
**Челове́к**,/ те́мже **Пречи́стую** **Богорѡдицу**, **вѣрнии**,  
**велича́ем**.

**Стал** еси́, ꙗкоже **а́гнец**, к **заколѣнию** во́льне  
предлежа́/ **убива́ющим** **тя** го́рьким **мучите́лем**,  
мучени́че **Неофи́те**,/ и, **прободѣн** в твоѣ **рѣбра**  
**копие́м**, **блаженны́й** **конѣц** **восприя́л** еси́,/ **страхо-**  
**тѣрпче** **Христов** **дѡблественнейше**.

**Яко** **же́ртва**, ꙗко **добро́ а́гня**, ꙗко **честно́е** **заколѣ-**  
**ние**,/ ꙗкоже **возложѣние** **хра́ма** **свята́го**, ꙗкоже  
**приноше́ние** **чи́стое**,/ ꙗкоже **пти́ца** **избра́нна**, ꙗко-  
же **юне́ц** **многоце́нен**,/ ꙗкоже **нов**, **блаженне**, **сад**  
**ра́йский**, **Бо́гу** **привѣслся** еси́.

**Сообра́зен** **был** еси́ **страсте́м** **Пострада́вшаго** **нас**  
**ра́ди** **благостию**,/ и **ра́венством** **копѣя́**, **мучени́че**,  
**вои́стинну** **просла́вился** еси́,/ и ны́не **живѣши** на  
**Небесе́х**, **побе́ды** **диади́мою** **украша́емъ** / и **ра́дости**  
**непреѣмныя** **исполня́емъ**.

**Богорѡдичен:** **Носѣщи**, ꙗкоже **клецá**, **Небѣсный**,  
**Богорѡдице**, **Угль**,/ **хвра́стныя** **моего́** **се́рдца** **стра-**  
**сти** **вся** **попаля́ющий**,/ и **ге́енскаго** **огня́** **избáви** **мя**,  
**молю́ся**,/ да **прославля́ю** **Тя**, **Наде́жду** **вѣрных**,  
**Всенепоро́чная**.

## Светілен.

Подобен: Свете неизменный:

**Труба** явился еси премудрости, благогласным языком твоим / противных ужасая полки, Максиме, свет монашествующих, / темже, твоими питающеся словеса, разум познаваем сущих.

## Богородичен:

**Свет** мысленнаго веселия возсияла еси в мире, / Богородительнице Дево, Избавителя и Владыку, / темже помолися души моей зеницы просветити / светом светлости Божественныя.


## НА ЛИТУРГИИ

**Прокимен, глас 4:** Святым, иже суть на земли Его, удивил Господь вся хотения Своя в них. **Стих:** Предзрех Господа предо мною выну, яко одесную мене есть, да не подвижуся. **Апостол ко Евреям, зачало 330.** Аллилуия, глас 4: Воззваша праведнии, / и Господь услыша их. **Евангелие от Луки, зачало 64.** **Причастен:** Радуйтесь, праведнии, о Господе:

**Преподобный Максим Исповедник** родился в Константинополе около 580 г. в благочестивой и знатной христианской семье. Он получил разностороннее светское образование, в совершенстве изучил философию и богословие. Отличаясь природным умом, преподобный Максим достиг высоких должностей при дворе императора Ираклия (611—641), был его секретарем и советником.

В начале VII века возникла ересь монофелитов. Монофелиты признавали за Христом одну волю и одно действие — Божеское, тогда как Православная Церковь учит, что Господь Иисус Христос имел одновременно Человеческую и Божественную волю, неслиянно соединенные в Едином Лице Богочеловека.

Распространению ереси монофелитов немало способствовал тот факт, что ее придерживались Патриарх Константинопольский Сергей I (610—638) и Патриарх Александрийский Кир (630—640), а также император Ираклий. В 638 году император Ираклий вместе с патриархом Сергием издал указ под названием «Экфемис» — изложение веры, которым повелевалось всем подданным принять монофелитское исповедание веры.



Придворная жизнь и общение с еретиками стали непереносимы святому Максиму, и он, избегая соблазнов мира, удалился в Хрисопольский

монастырь, где принял монашеский постриг. Своим смирением, кротостью, трудами на пользу обители он приобрел любовь братии и был избран игуменом, продолжая в этом звании несколько лет трудиться как простой монах.

В 633 году святитель Софроний, будущий Патриарх Иерусалимский (634—644, память 11 марта), твердый защитник Православного исповедания, побудил преподобного Максима предпринять путешествие в Малую Азию и Северную Африку для борьбы с распространявшейся ересью монофелитов.

В Карфагене он имел в 645 году публичный диспут с монофелитом Пирром, Патриархом Константинопольским, над которым одержал полную победу, так что Пирр признал свое заблуждение и пожелал вручить письменное отречение от ереси Папе Римскому Феодору. В конце 645 года преподобный Максим прибыл в Рим и прожил здесь 8 лет. По инициативе преподобного Максима святой Мартин, Папа Римский (649—654), в 649 году созвал в Риме Латеранский Собор епископов, осудивший монофелитство как ересь и предавший анафеме его защитников.

Когда император Констанс II (641—668) узнал о решениях Собора, он приказал заключить в узы святого Мартина, Папу Римского, и преподобного Максима.

Над обоими состоялся в 653 году неправедный суд в Константинополе. Святой Мартин был осужден на ссылку в крымский город Херсонес (ныне окраина Севастополя), где скончался в 655 году (†16 сентября, память 14 апреля).

Преподобный Максим и ученик его, святой Анастасий, с великим мужеством исповедали на суде православный догмат о двух естествах и двух волях в единой ипостаси Божочеловека Христа. Ни угрозы, ни обещания высоких почестей, ни угрозы, ни жестокие пытки не смогли склонить святого к малейшему отступлению от Православия.

Святой Анастасий держался на суде с таким же мужеством, следуя

примеру учителя. Обоих святых осудили на урезание языка и отсечение правой руки. Приведя приговор в исполнение, святых Максима и Анастасия владчили по городу на посмешище толпы.

Было приказано отправить обоих святых в дальнюю ссылку, но в разные места. По милости Божией над ними совершилось чудо: лишившись языка и правой руки, оба сохранили способность говорить и писать.

Святой Анастасий по дороге в ссылку преставился ко Господу.

Святой Максим был доставлен к месту ссылки в город Визию во Фракии. В 661 году его сослали в Колхиду (зап. Грузия). Перед смертью он был утешен явлением ему Спасителя, возвестившего о предстоящей кончине. С радостью отошел преподобный Максим в Небесные обители 13 апреля (по другим сведениям 13 августа) 662 года. Над могилой Святого по ночам чудесно возжигались три светильника и совершалось множество исцелений.

Жизнеописание преподобного Максима Исповедника составил другой его ученик, также по имени Анастасий.

VI Вселенский Собор в 680 году почтил память святого Максима Исповедника как великого борца и защитника Православия и предал анафеме монофелитскую ересь.

После смерти преподобного Максима в назидание верующим христианам остались его многочисленные экзегетические, догматические и аскетические труды: толкование молитвы Господней и объяснения трудных мест Священного Писания, схолии к сочинениям святителей Дионисия Ареопагита и Григория Богослова, объяснение Богослужения («Мистагогия»), изложение догматического диспута с Пирром, несколько трактатов и письма к разным лицам, а также особенно известные «Четыреста глав о любви». Память св. Максима Исповедника совершается Западной Церковью 13 августа. В греческих прологах 13 августа указывается перенесение его мощей в Константинополь.

**Святой мученик Неофит** (†ок. 303—305) родился в г. Никее в благочестивой семье состоятельных гражд-

дан Феодора и Флоренции. С детских лет отличаясь пламенной верой в Христа Спасителя, он своими молит-

вами, добротой и смирением получил дар чудотворения еще в отроческом возрасте. Уходя в школу, он брал с собой всякую еду и раздавал ее школьным товарищам-беднякам. Пока дети вкушали предложенную святым отроком пищу, он горячо молился перед Крестом, начертанным на восточных воротах города, а затем чудесным образом изводил воду из камня, поил ею детей, но запрещал им рассказывать об этом.

Когда матери святого Неофита в сонном видении явился голубь и человеческим голосом провещал о чуде, творимом ее сыном, потрясенная видением, Флоренция потеряла сознание. Домочадцы сочли ее умершей и стали оплакивать, но вернувшийся в это время домой святой Неофит исцелил мать.

Через некоторое время, руководимый велением свыше, святой отрок покинул родительский дом: следуя за путеводным голубем, он удалился на гору Олимп (Малая Азия). В пещере, где святой Неофит решил подвизаться отшельником, он застал льва и приказал ему освободить пещеру. Лев повиновался святому. Через год уединенного молитвенного подвига в пещере святой Неофит, предведая близкую кончину своих родителей, возвратился в Никею. Похоронив родных и раздав имение нищим, святой Неофит вновь отправился в уединение, где пребывал до своего совершеннолетия.

В то время правитель Декий по приказу императора Домициана (284—305) начал гонение на христи-

ан. По повелению Декия в Никею было назначено публичное празднество с жертвоприношением языческим богам.

Святой Неофит, руководимый свыше, безбоязненно прибыл в Никею, где стал обличать язычников в идолопоклонстве и укреплять христиан в их вере в Единого Бога, Творца и Промыслителя.


Декий, удивившись юному возрасту святого Неофита, пытался уговорить его поклониться языческим кумирам. Не достигнув успеха, Декий приказал подвергнуть святого Неофита жестоким пыткам: юноша был подвешен к столбу, ободран до костей железными когтями, затем брошен в раскаленную печь. Чудесно сохраненный силою Божией, он мужественно перенес все муки, продолжая твердо исповедовать веру в Господа Иисуса Христа.

По приказу Декия святого Неофита бросили на растерзание диким зверям, но ни медведь, ни медведица, выпущенные на арену цирка, не тронули юношу. Когда выпустили на арену голодного льва, за пять дней до того пойманного в пустыне, лев подполз к ногам Святого и стал лизать их. Узнав льва, который уступил ему некогда свою пещеру, святой Неофит приказал ему, не трогая никого, вернуться в нее. С устрашающим рычанием лев вырвался из цирка и убежал из города.

Разъяренный правитель, видя свое бессилие, приказал пронзить сердце святого мученика копием (†ок. 303—305).

**Мученики Евгений, Кандид, Валериан и Акила** пострадали в царствование императоров Диоклетиана и Максимиана (284—305). Надеясь переждать ожесточенные гонения, воздвигнутые на христиан, они удалились в Трапезундские горы. Преследуемые отрядом воинов, они были схвачены и приведены в Трапе-

зунд к правителю Лисию. На требование принести жертву языческим богам все четверо ответили решительным отказом, проявив непреложную верность Христу. Пытки не смогли их сломить, и, ничего не добившись, палачи обезглавили всех четверых мучеников. Святые приняли мученическую кончину в начале IV века.



**Празднование Пресвятей Богородице  
ради чудотворных иконы Ея Ватопедския  
«Отрада, или Утешение».**

**НА МАЛОЙ ВЕЧЕРНИ**

**На Господи, возвах: стихиры и Слава святого.  
И ныне, глас 6:**

**У**страшив сущих в Ватопеде наказанием, /  
помиловал еси, Владыко, рабы Твоя, / спасши  
их от убийственных рук разбойников / заступле-  
нием Пресвятыя Твоея Матере. / Будь убо и на нас  
милость Твоя, Господи, / и путь неправды отстави  
от нас, / настави же на стезю заповедей Твоих /  
Богородицею, Еди́не Человеколю́бче.

**На стиховне стихиры, глас 2.**

**Подобен: Дóме Евфрафов:**

**В** ведении и неведении / согрешаем присно /  
Тебе, Дево, и Богу, / но не лишь ны, Пречистая, /  
заступления Твоего, Богородице.

**Стих: Помяну́ имя Твое́ / во всяком роде и  
роде.**

**У**моли Сына Твоего / помиловати zde рабы Твоя /  
и на будущем Суде Его / и муки изми ны / Твоим,  
Владычице, предстательством.

**Стих: Лицу́ Твоему́ помóлятся / богáтии лóдстии.**

**Вéмы, я́ко мно́го мо́гут / Твоя́ моли́твы / ко из  
Тебе́ Ро́ждшемуся: / негодую́ща бо грех ра́ди /  
милосéрда Того́ твориши Ты еди́на.**

**Слава, и ныне, глас 6:**

**У**жасóшася Ватопедстий иноцы, / зряще на свя-  
тей иконе / Богородицу и Превéчнаго Младéнца: /  
ка́ко иму́щая ма́тернее дерзнове́ние / уклонéнием  
лица́ Своего́ / от руки́ Сына Ея́ и Бо́га / отклони́ от  
них пра́ведное Его́ пре́щение? / Тёмже с трéпетом  
просла́виша Ма́терь щедрóт, / Отра́ду рабóв Ея́ и  
Утешéние.

**Тропа́рь свя́того. Сла́ва, и ны́не, глас 4: Не  
умолчи́м никогда́, Богородице:**

### НА ВЕЛИЦЕЙ ВЕЧЕРНИ

**На Господи, воззвах: стихиры, глас 2:**

Приидите, вернии, / воспоём Всепетую Богородицу, / и, святы́й образ Ея обстояще, / Божественная великодеяния Ея прославим, / и любовью рцем: / радуйся, покрове мира, / радуйся, Отрадо и Утешение скорбящих, / радуйся, Мати Приснодево, / рождающая Многомилостиваго Спаса душ наших.

Како по достойнию восхвалим / милосердие Твое, Владычице? / Ты бо молитвами Своими / отводиши тучи гнева Божия, / грех ради находящаго, / и матерним дерзновением утоляеши / прещение Сына Твоего, / Праведнаго всех Судий / и Многомилостиваго Спаса душ наших.

Яко радостотворная дуга, / по всемирном потопе положенная / во облацех Создателем / в знамение примирения Его с Своим созданием, / радуеши и Ты, Богоневесто, / Горний и дольний мир вечным примирением / и не престаеши утешати рабы Твоя, / мир и спасение низводящи / от примирившаго Собою всяческая, / Многомилостиваго Спаса душ наших.

Воспоминание творяще днесь / дивнаго и ужаснаго знамения, / явленнаго в Ватопедской обители / от иконы Твоей, Владычице, / молимтися прилежно: / подаждь житию нашему исправление, / яко да, во страхе Божии поживше, / избранных части молитвами Твоими / сподобимся от Сына Твоего, / Многомилостиваго Спаса душ наших.

**Таже стихиры и Слава святаго Максима.**

**И ныне, глас 7:**

Идеже явится заступление Твое, Владычице, / тамо стрелы вражия сокрушаются / и сила сопротивных, яко дым, исчезает, / темже и сонмище губителей абие исчезет от Ватопеда, / егда испроси-ся Тобою прощение согрешившим, / благодарственная убо восписующе, / умильно зовем Ти, Чистая: / не отстави и ныне милости Твоя от нас, / да не рекут врази: несть избавляяй их, / но храни присно рабы Твоя / неуловимы от козней вражи-

их, / молящихся о прощении грехов, / мире и спасении душ наших.

**На литий стихира, глас 4:**

Приявши в жребий Себе Гору Афонскую, / рекла еси, Владычице: / Аз буду Заступница месту сему / и Богу о нем теплая Ходатаица. / Темже и обитель Ватопедская, / враги иногда окруженная, / яко Твое достойние, избавися от сих / дивным заступлением Твоим, / и отвращено бысть от иноков прещение Божие / теплыми молитвами Твоими. / Припадающе убо святей иконе Твоей, / на нейже доньше зрим знамение / Твоего великаго милосердия к рабom Твоим / и к Сыну Твоему и Богу дерзновения, / празднуем Ти днесь, Пресвятая Дево, / и усердно молим Тя: / буди присная Заступница Горы Твоея, / страны Российския, / обители сея и всякаго места, / в нем же величается препетое имя Твое, Благословенная.

**Слава, святаго Максима. И ныне, глас 8:**

Дышущии огнем и убийством, / вторгшися, Господже, в наследие Твое, / друг ко другу глаголаху: / господствовать будут в Ватопеде руки наша, / убием мечем иноки, / разделим корысть, огню обитель предавше; / но посрамишася неведавшии, / яко Ты еси Горы насельников неусыпающая Хранительница, / подающая нам велию милость.

**На стиховне стихиры и Слава, святаго Максима. И ныне, глас 6:**

Лета и дние жизни нашея / имей во Своей власти, Господи, / прогневавши Тя готов был еси предати разбойником, / но от благоутробия Твоего возбранился еси, / умолен быв Пресвятою Материю Твоею, / Еяже молитвами и нас пощадил, / яко Щедр и Человеколюбец.

**Тропарь, глас 4:**

**К** Богородице прилежно ныне притецем, / грешнии и смиреннии, и припадём, / в покаянии зовуще из глубины души: / Владычице, помози, на ны милосердовавши, / потщися, погибаем от множества прегрешений. / Не отврати Твоя рабы тщи, / Тя бо и едину надежду имамы.

## НА УТРЕНИ

**На Бог Господь: тропарь, глас 4: К Богородице прилежно: дважды. Слава, святого Максима. И ныне: Не умолчим:**

**По 1-м стихословии седален:**

Благодарим Тя, Богородице, / о благодеяниях и чудесах Твоих, / яже твориши чтущим Тя. / Разбойники бо, устремившиеся на Ватопед, / заступлением Твоим недействительны и изгнанны сотворила еси, / скорбь иноков на веселие преложивши, / яко печальных Отрада и Утешение.

**По 2-м стихословии седален:**

Величаем благоутробие Твое, Всеблагая Владычице, / имже сущи в Ватопеде избавишася от злых. / Но и ныне заступай рабы Твоя, на Тя по Бозе упование возлагающия. / Помилуй нас, Господже, и сохрани от всякаго зла, / спасаючи в мире души наша.

**По полиелеи седален:**

Якоже иноки Ватопеда умилоствлением Приснодевы свободил еси, Блаже, от видимых разбойников, / тако и нас свободдай от невидимых губителей, ищущих кого поглотити, / и неврежденных от тех соблюди Твоим, Христе, милосердием.

**По 50-м псалме стихира, глас 6:**

Державная Всецарице, / врагом христианским воспящая / и от козней тех рабы Твоя избавляющая, / не претай ускоряти на помощь и защищение / Тебе с верою призывающим.

**Канон Богородицы. Глас 8.****Песнь 1**

**Ирмос:** Воду прошед, яко сушу, / и египетскаго зла избежав, / израильтянин вопияше: / Избавителю и Богу нашему поим.

Божиею благодатию озари мя, Богоблагодатная, / благоговейно пети пред святою иконою Твоею / Тебе, неоториму Заступницу и державу неразрушиму стада Твоего.



**Т**я, Всенепорóчная, ймамы предстáтельство, Отра́ду же и Утешéние. / Сего́ ра́ди, сла́вяще бла́гость Твою́, моли́мтися: поми́луй нас.

**Х**ранительница сýщи Горы́, / нашéдшим разбо́йником на обите́ль Ватопéдскую / не предалá еси, Госпоже́, рабо́в Твои́х в рúки вра́жня.

**К**то подо́бен Тебе́, Дéво, сла́вно творя́щая чуде́са? / Настáвив бо йноки пра́вдою Сы́на Твоего́, е́же боя́ться Его́, / изба́вила и утéшила еси́ их крéпостию Твоею́.

**В**рачéвско\* есть е́же рэ́зати и же́щи, здра́вия вино́вное, / но Ты нас, Сы́не Бо́жий, мя́гкими лечба́ми щедро́т Твои́х уврачу́й, / Ма́тере Твоея́ мо́льба́ми.

**У**слы́ши, Блага́я, мо́льбы христоимени́тых люде́й, / при́зри на озлобле́ние утесня́емых, / виждь слéзы сýщих в ско́рбех / и умилосе́рдитися потщи́ся на рабы́ Твоя́.

### Песнь 3

**Ирмо́с:** Ты еси́ утвержде́ние / притека́ющих к Тебе́, Го́споди, / Ты еси́ Свет омраче́нных, / и поёт Тя дух мой.

**П**од кров Твой притека́ем, лю́дие Твой, / Засту́пница бу́ди на́м, Влады́чице, / подаю́щи отра́ду и утешéние пою́щим Тя.

**В**озвесели́шася ватопéдцы о спасéнии Твое́м, Дéво, / немощствую́щих бо препоя́сала еси́ си́лою / на прогна́ние разбо́йников.

**Н**е престáй, Всеми́лостивая Госпоже́, спаса́ти рабы́ Твоя́ от неча́емых напа́стей, / да благода́рственно сла́вим Тя.

**М**оли́, Богороди́тельнице, е́же изба́витися нам вся́каго гне́ва и прещéния Бо́жия, / Тебе́ почита́ющим.

**Х**одатаи́ца благоприятная и си́льная к Бо́гу, / прегрешéний оставле́ние испроси́ нам у Него́, Богоневéсто.

**С**мертоно́сных недúгов душе́вных и телéсных изми́ ны, Влады́чице, / вéчнуюю Жизнь ми́ру рóждшая.

\* врачéвско — лечебно, лекарственно

### Седáлен:

**В**идимыми и невидимыми враги окружаеми, / к Тебе, Дêво, прибегающе, зовем: / не удали по́мощь Твою́ от нас, я́коже от иноков ватопедских не удали́ла еси́, / но державною́ силою́ Твоею́ побори́ борю́щая ны, / мирное и Богоуго́дное жити́е нам устрóяючи.

### Песнь 4

**Ирмо́с:** Услы́шах, Го́споди, / смотре́ния Твоего́ та́инство, / разуме́х дела́ Твоя́ / и просла́вих Твое́ Божество́.

**У**бо́йся се́рдце игу́мена в моли́тве усте́н его́ / от гла́са Твоего́, Богома́ти, и преще́ния Сы́на Твоего́, / и смяте́ся кре́пость его́, возвеще́ну б́вшу нападе́нию от разбо́йников.

**В**негда́ смути́тися Ватопе́ду во гнѐве Твое́м, Го́споди, / ми́лость Твою́ помяну́л еси́ предста́тельством Присноде́вы, / от Нея́же яви́лся еси́ на спасе́ние люде́й Твои́х.

**Н**е преда́ждь в ру́ки враго́в насле́дие Твое́, Чи́стая, / да некогда́ реку́т: / где́ есть Богороди́тельница, на Ню́же упова́ша? / но не вре́дно и ненаве́тно соблюди́ ста́до Твое́.

**С**вято́му о́бразу Твоему́ припада́юще, мо́лим Тя: / разори́ сове́ты хотя́щих нам зла́я и живо́т наш напра́ви твори́ти в ми́ре Божество́нную во́лю Сы́на Твоего́.

**В**о искуше́ниях бу́ди нам, Влады́чице, спаси́тельное прибе́жище, / в боле́знях врачевáние, / во обурева́нии т́хое приста́нище / и в ско́рбех Отра́да и Утеше́ние.

### Песнь 5

**Ирмо́с:** Вску́ю мя отрину́л еси́ / от лица́ Твоего́, Све́те Незаходи́мый, / и покры́ла мя е́сть чужда́я тьма, ока́яннаго? / Но обрати́ мя и к све́ту за́поведей Твои́х / пу́ти моя́ напра́ви, молю́ся.

**С**те́ну твёрду́ и столп непоколеби́м Тя има́ть Го́ра в нашестви́их ва́рварских: / студа́ бо исполне́ши вра́жия лица́ / и возвраща́тися твори́ши им вспя́ть тще́тным и безде́льным, Влады́чице.

**М**áтернее промы́шление о сущи́х в Го́ре иму́щей Ти, / стра́ха ра́ди Сы́на Твоего́, Дêво, поболѐ

Ватопѣд, увѣдев о разбѣйницех, / и роди́ дух спасѣнія предстѣтельствомъ Твоѣмъ, Прѣблагословѣнная.

**Я**ко же настоятеля Ватопѣдскаго, по ѹтрени бдѣвша и молившася, / настѣвила еси́, Блага́я, како спастися от напа́сти, / тако и нам пода́ждь тѣ́нне от но́щи ѹтренивати к Бо́гу / и ко спасѣнию настѣви ны, избавляющи от всехъ бедъ.

**Я**ко же запрети́ла еси́, Госпоже́, отверза́ти врата́ / гото́вой сѹщей поги́бели от враго́в, / тако положи́ в нас благодѣтнѹю дверь ограждѣнія, / да не обря́щется вхо́да всезло́бнымъ губителемъ и ихъ плѣвеломъ.

**Я**ко же повелѣла еси́, Влады́чице, возше́дше на стѣны, разгна́ти разбѣйники, / тако укрепѣ́ быти нам на четверостѣнии мѹжества и прѣвды, мѹдрости и целомѹдрія, / да отража́ем борю́щия ны.

**Я**ко же умилостивила еси́, Дѣво, Сы́на Твоего́, прогне́вавшася на сѹщія в Ватопѣде, / тако умилостивля́й Его́ о нас, во мно́гия грехи́ впада́ющих, / мно́го бо мо́жет молѣние ма́тернее ко благосѣрдию Влады́ки.

### Песнь 6

**Ирмо́с:** Молѣтву пролию́ ко Го́споду / и То́му возвещу́ печѣли моѣ, / я́ко зол душа́ моѣ исполнися / и живо́т моѣ а́ду прибли́жися, / и молю́ся, я́ко Ио́на: / от тли, Бо́же, возведи́ мя.

Возвеща́юще Ти печѣли на́ша, мо́лимтися, Ма́ти Бо́жия: / обвесели́ благодѣтию Твоею́ скорбя́щих серде́цѣ, все́хъ Ра́досте, / и от тли возведи́ ны.

Не стѣжа́хом на земли́ ино́го утешѣния и крѣпкаго заступлѣния, / разве Тебе́, Всеблагая́, / покрѣй ѹбо от всякаго зла любѣвию воспѣва́ющих Тя.

Благостѣнию и мѣлостью приѣмлемъ от Сы́на Твоего́, Дѣво, мо́литвами Твоѣми: / от молвы́ бо храни́ши ны, смущѣния, ловѣтвы / и всякаго кова́рства вра́жия, Всепѣтая.

Ми́ру Спасѣтельнице, / необори́мою си́лою Твоею́ не престѣй соблюда́ти ста́до Твое́, зову́щее: / Отра́да и Утешѣние на́ше Ты еси́, Благословѣнная.

Всехъ благѣхъ вина́, смѣртныхъ оживлѣние, / поги́бшихъ взыскѣние, / изба́ви, Госпоже́, рабы́ Твоѣ от

напрáсныя смёрти/ и от тли грехóвныя возведи ны.

### Конда́к, глас 8:

**В**збра́нной Воево́де победи́тельная,/ я́ко избáвльшеся от злых,/ благодарственная воспи́суюм Ти, раба́ Твои́, Богоро́дице,/ но я́ко иму́щая держа́ву непобеди́мую,/ от всяких нас бед свобо́ди, да зове́м Ти:/ Ра́дуйся, Невéсто Неневéстная.

### И́кос:

**А**нгели Тя, Ма́терь Бо́га на́шего, пёсньми славосло́вят,/ и мы земни́и воспева́ем ра́достно Тебе́ вопию́ще:/ ра́дуйся, Светода́вца селéние,/ Ё́юже лучи́ спасéния мiрови возсия́ша;/ ра́дуйся, Обра́дованная, Ё́юже исполня́емся Божéственнаго весéлия./ Ра́дуйся, двéре Восто́ка,/ от врат смертоно́сных грехá нас отводя́щая;/ ра́дуйся, свети́льниче пресвётлый,/ просвещáяй омрачённых./ Ра́дуйся, бэ́дно Бо́жия к нам человеколю́бия;/ ра́дуйся, цены́ всякия превы́сший дар,/ нам от Бо́га дарова́нный./ Ра́дуйся, я́ко имаши ве́лие к Немú дерзнове́ние;/ ра́дуйся, стра́же Афóна и та́мо обита́ющих Храни́тельнице./ Ра́дуйся, всекрéпкая стено́, ё́юже сохраня́емся необори́мы враги́ христиáнскими;/ ра́дуйся, я́зво невидимых враго́в и от них уязвля́емых врачевáние./ Ра́дуйся, безси́льных си́ло и по́моще беспомощных;/ ра́дуйся, Отра́до и Утешéние скорбя́щих./ Ра́дуйся, Невéсто Неневéстная.

### Песнь 7

**Ирмо́с:** *От Иудеи дошедше, óтроцы/ в Вавилóне иногда́/ véрою Трóйческою пла́мень пёщный попра́ша, пою́ще:/ отцёв Бо́же, благословён еси́.*

**В**опло́щся от утробы Твоея́ Господь, господствуяй тва́рию,/ и Тебе́, Дéво, Госпожу́ показá видимым же всем и невидимым,/ я́ко Ма́терь Свою́ прославля́я Тя.

**С**огрешихом, Гóсподи, но не отступихом от Тебе́/ и инóго не ве́мы, разве Тебе́,/ не преда́ждь нас до конца́ Ма́тере Твоея́ мольба́ми, отцёв Бо́же благословённый.

**Г**ора́ Бо́жия осенённая, Всечы́стая,/ покрый сущия в Горé сéнию Твои́х моли́тв/ и от сéти

ловящих избави поюция: / отец наших Бóже, благословен еси.

**Непобедимая еси крепость, Госпоже, / и несокрушимое ограждение с верою призывающих Тя: / разрушаеши бо советы вооружающихся на славящая Тебе.**

**Унывающим Отрадо, печальным Утешение, заблуждающим Наставнице, / соблюди нас, Дево, от всякаго зла, / чтущих святый образ Твой.**

### Песнь 8

**Ирмос: Царя Небеснаго, / Егóже поют вси Ангельстии, / хвалите и превозносите во вся веки.**

**Преблагословенная Мати Всещедраго Бóга, / ущедри ны, недостойныя, дарами милосердия Твоего, / да превозносим Тя во веки.**

**Крепость и держава буди рабom Твоим, Всецарице, / сила, оружие и меч, враги спасения секущий, / да славим Тя во веки.**

**Сияющая паче Ангел святынею, / храни нас, Всенепорочная, от греховных деяний, глаголений и помышлений, / да благословляем Тя во веки.**

**Освятй, Всесвятая, благоговейно лобызающих святую икону Твою / и Твоим матерним дерзновением милостива нам твори Сына Твоего, / да поем Егó во веки.**

**Отрадо и Утешение молящихся Тебе, / временных и вечных лютых избави ны, да хвалим Тя / и Сына Твоего превозносим во вся веки.**

**Путь и Живот, Дево, рождающая, / стопы наша направи по словеси Бóжию, / да, живот вечный наследовавше, поем Тя, / Сына Твоего превозносяще во вся веки.**

### Песнь 9

**Ирмос: Проявленное на горе законоположнику во огни и купине / Рождество Приснодевы / в наше, верных, спасение / песнями немолчными величаем.**

**Веселися, Ватопеде, / неусыпная бо Афона Назирательница / яже на Тя коварство вражие манием Своим разруши / и изгнанны сотвори разрушение Тебе уготовавшия.**

**О, великаго дерзновения Твоего, Дево, к Бóгу и**

благоутрѣбля к рабѣмъ Твоимъ! / Возвещаящи бо о вразѣхъ, / уклонила еси лице Своѣ отъ рукъ Сына Твоего, / якоже до нынѣ зриши на иконѣ Твоей.

**Пото́къ свѣтлости, отра́ды и утешѣния неисто́щій Ты еси, Богора́дованная Ма́ти Свѣта, / тьму у́бо страсте́й проже́нъ отъ насъ, / обстоящихъ свѣтлое подобіе лица Твоего, / и несветимаго огня изба́ви.**

**Спасѣние бу́ди прѣсно́е, Госпо́же, отъ врагъ на́шихъ / и изъ рукъ́ всехъ, ненави́дящихъ насъ, / и напра́ви но́ги на́ша на путь ми́ренъ / милосѣрдія ра́ди ми́лости Сы́на Твоего́ и Бо́га на́шего, Преблагосло́венная.**

**Вла́дѣчеству́ющая все́ми я́ко Всеца́ря Ма́терь, / стране́ на́шей пода́ждь благоде́нствие, миръ, спасѣние / и на сопоста́ты побѣ́ды и одоле́ние.**

**Моле́бное пѣ́ние отъ ду́шъ принесо́х со стра́хомъ Тебе́, Де́во, ро́ждшей Христа́ Бо́га, / Егѡ́же моля́щи, благоприя́тна сотвори́ моле́ния на́ша, / да Ты пѣ́снями немѡ́лчными велича́емъ.**

### **Свети́лен:**

**Озаря́еми благода́тнымъ свѣ́томъ отъ ико́ны Твоея́, Вла́дѣчице, / благоговѣ́йно зове́мъ Ти: / ра́дуйся, свѣтоза́рная луно́, в но́щи грѣха́ су́щихъ путево́дящая къ свѣ́ту пока́янія; / ра́дуйся, Ма́ти Изба́вителя, изба́вляющая насъ отъ напа́стей неча́емыхъ. / Ра́дуйся, Отра́до и Утешѣ́ние ду́ш на́шихъ.**

### **На хвалѣ́техъ стихи́ры, гласъ 1:**


**Мона́шествующихъ и ми́рскихъ сосло́вья, / со благоговѣ́ниемъ и любѡ́вию / Ма́терь Бо́га на́шего воспо́ймъ, / Херуви́мъ и Серафи́мъ преиму́щую, / ми́ра Всеблагую́ Вла́дѣчицу, / отра́ду рабо́в Ея́ и утешѣ́ние.**

**Де́янія и мы́сли испра́вляюще, / благода́реніе и моли́твы / отъ чи́ста се́рдца Пречи́стей принесе́мъ, / страна́нное соде́явшей въ Ватопѣ́де чу́до / во испра́вление согрѣша́ющихъ, / во отра́ду рабо́в Свои́хъ и утешѣ́ние.**

**Афо́на Хра́нительница и стена́ необори́мая ве́рныхъ / разбо́йники, окру́жившая оби́тель Ватопѣ́дскую, / всемо́щнымъ заступле́ниемъ Свои́мъ / су́етны и ничто́же успе́вша́я показа́ / во отра́ду рабо́в Свои́хъ и утешѣ́ние.**

## Та́же стихіры и Сла́ва, свята́го. И ны́не, глас 6:

Несть челове́ка, и́же поживе́т / и не согреші́т Тебе́, Безгрешный Влады́ко, / и, а́ще беззако́нныя на́зриши \*, кто постои́т? / Ка́ко у́бо избега́ли бы мы, грешни́и, / пра́веднаго гне́ва Твоего́, / а́ще не бы умилостивля́ла Ты Ма́терь Твою́, / Ея́же моли́твами поми́луй рабы́ Твою́.



**Ватопедская икона Божией Матери** находится в древнем Ватопедском монастыре на Афоне, в храме

Благовещения. Близ этого монастыря упал в море с корабля юный царевич Аркадий и чудесным заступлением Божией Матери был перенесен на берег целым и невредимым. Здесь нашли его стоящим под кустом, недалеко от обители. От этого события и произошло название «Ватопед» (βάτος παιδός — «куст отрока»). Святой царь Феодосий Великий в благодарность за чудесное избавление сына украсил и щедро одарил Ватопедский монастырь. На Ватопедской иконе Богоматерь изображена с лицом, склоненным к правому плечу, в память того, что Она в 807 году, 21 января, обратила свое лицо к игумену монастыря, стоявшему на молитве близ святой иконы, и предупредила его о намерении разбойников ограбить обитель. Игумен принял меры предосторожности, и обитель была сохранена. Перед чудотворной иконой горит неугасимая лампада. На Афоне эта икона называется также «Отрадою, или Утешением». В Ватопедском монастыре, кроме этой иконы, свято чтутся еще и другие иконы Божией Матери: Живоприемная, Закланная, Ктиторская и Одигитрия.

В  
ТОЙЖЕ  
ДЕНЬ



**Преподобнаго Максима Грека**

**НА ВЕЛИЦЕЙ ВЕЧЕРНИ**

**На Господи, воззвах: стихіры, глас 2.**

**Подобен: Егда от Древа:**

**Е**гда вся мирская мудрoвaния / отвeргл еси́, oтче Максiме, / крестoм разум просветив, / обрел еси́ бесценный бисер — Христa, / И́же ты премудра

\* на́зриши — заметишь, увидишь

показа́, / улови́в мре́жею ве́ры. / Сего́ ра́ди мо́лимся ти, о́тче Макси́ме: / моли́ Христа́ Бо́га умудри́ти нас / и спасти́ ду́ши на́ша.

**Егда́** Христа́ ра́ди страна́ствия / подъя́л еси́, премудре Макси́ме, / кресто́м вся стрéлы лука́ваго разжже́нныя угаси́в, / стяжа́л еси́ благода́ть Свята́го Ду́ха, / И́же ты чудото́чца просла́ви, / явля́я исцелéния и цельбы́. / Сего́ ра́ди мо́лимся ти, о́тче Макси́ме: / моли́ Христа́ Бо́га благода́ть подáти нам / и спасти́ ду́ши на́ша.

**Егда́** мно́гия кни́ги от грéческаго на словéнский язýк / превéл еси́, преподо́бне Макси́ме, / кресто́м ве́ру уясни́в, / оклеветáн был еси́ и в темни́цу осужде́н, / иде́же Свято́му Ду́ху канóн написáл еси́, / не имúщу ти черни́л, углём по стéнам. / Сего́ ра́ди мо́лимся ти, многострада́льне Макси́ме: / моли́ Христа́ Бо́га укрепíти нас / и спасти́ ду́ши на́ша.

**Егда́** лéстный мрак уны́ния / просвети́л еси́, свя́те Макси́ме, / кресто́м ду́шу утверди́в, / позна́л еси́ Бо́га — И́стиннаго Отца́, / И́же ты, я́ко сы́на, в Цáрствие Небéсное призва́, / па́че сне́га убели́в. / Сего́ ра́ди мо́лимся ти, о́тче Макси́ме: / моли́ Христа́ Бо́га умири́ти нас / и спасти́ ду́ши на́ша.

### **Сла́ва, глас 1:**

**В** преста́влении твоём к Бо́гу, преподо́бне Макси́ме, / жа́лостию сердца́ на́ша исполня́ются, / и слéзнии исто́чницы излива́ются, / и мона́хов мно́жество умíльными словесы́ / тя, отца́, и учи́теля, и наста́вника венчава́ют, / вся же страна́ Росси́йская безпреста́ни красúется / сла́дкими словесы́ твоими́.

### **И ны́не, Богородичен.**

**Вход. Прокíмен дне. Чтéния три преподо́бническая (зри страницы 40—42).**

### **На стихóвне стихи́ры, глас 2.**

**Подóбен: Дóме Евфра́фов:**

**Дом Ду́ха Свята́го / и Цáрствия насле́дник / ты еси́, Макси́ме, / моли́ся о нас, / чтúщих святу́ю па́мь твою́.**

**Стих: Честна́ пред Го́сподем / смерть преподо́бных Егó.**



Дом благодати / явился есть гроб твой, / Максиме премудре, / молися о нас, / притекающих к тебе.

**Стих:** Блажен муж, бойся Господа, / в заповедех Его восхощет зело.

Дом твой новый — / святая Лавра, / вкупе и Афон / песненно да восхвалят / подвиги и страдания твоя.

**Слава, глас тойже:**

Доме Святыя Троицы, / красуйся и ликуй, / имея светильник, / иже под спудом / сияет паче солнечных луч.

**И ныне, глас тойже:**

Дом Божий, / и палата Царская, / и чертог Небесный / ты еси, Пречистая, / упование и покров.

**Тропарь, глас 8.**

**З**арю Духа облистаеть, / витийствующих богомудренно сподобился еси разумения, / неведением омраченная сердца человеков светом благочестия просвещая, / пресветел явился еси Православия светильник, Максиме преподобне, / отонудуже ревности ради Всевидящаго / отечества чужд и странен, Российския страны был еси пресельник, / страдания темниц и заточения от самодержавнаго претерпев, / десницею Вышняго венчаешися и чудодействуеши преславная. / И о нас ходатай буди непреложен, / чтущих любовью святую память твою.

**И ныне, Богородичен.**

**НА УТРЕНИ**

**По 1-м стихословии седален, глас 8:**

Твердые и Боговещанные глаголы со тщанием изъясняя и нечестивыя писания обличая / ум свой вперив в Горняя к Богу, / узы страдальческии от навет противных претерпел, Максиме преподобне, / и сих ради иноком явился еси образ, паче же и похвала.

**Слава, и ныне, Богородичен:**

Тя, превосходящую безплотныя Божественныя чины несравненною чистотою, / молю, Всепетая: /

сквѣрную мою дѹшу очисти от беззаконных помышлений, / яко да достойно славлю Тя.

**По 2-м стихословии седален, глас 8:**

Все своё умное желание к Богу вперил еси, / и Того званію невозвратно от души последовал еси, / во обитель преподобнаго Сергія конечно вселився, и, тамо ангельски пожив, / многим путь был еси ко спасенію, / сего ради и Господь тебе прослави, чудесы обогатив, / темже вси вопіем ти: / радуйся обители Троицкия чудесоточное похвало, Максиме отче наш.

**Слава, и ныне, Богородичен:**

Молю Тя, Пречистая, / не презри мене, потопляема люте в скверную тину греха, / но измый мене от злосрадія благоуханным миром молений Твоих / и светом сладчайшим Божественныя Твоея любви всю тьму души моея просвети.

**По полиелѣи седален, глас 4:**

Яко звезда пресветлая, обтекая восточныя страны и к северу пришедшая, / озаряет мглу, тьму мрака просвещая всяческую, / тако и ты, преподобне Максиме, уподобился еси сей, / державнаго испрошением странен явился еси и пресельник от Афона в велицей Россіи, / в исправлении Божественных Писаний предивен, изящен показася, / но наветующими лстываго борца наущении пострадал еси, / и за страдания своя и в темнице заточения от Бога свыше прият чудодѣйствія дар, / и ныне молим тя: / присно проси Христа мир вселенней даровати / и душам нашим велию милость.

**Слава, и ныне, Богородичен:**

Ущедри мене, Владычице, к Тебе прибегающаго, / и избави мя студнаго\* насилія злых предстателей лютаго змия, / иже, яко ехидны, уязвляют душу мою. / Аще бо аз и неключимый раб Твой, Владычице, но уповаю на Тя.

**Степенна, 1-й антифон 4-го гласа. Прокимен, глас 4: Честна пред Господем / смерть преподоб-**

\* студнаго — постыднаго, бесчестнаго, позорнаго

ных Егó. **Стих:** Что воздám Гóсподеви о всех, яже воздаде ми? **Всякое дыхáние: Евáнгелие от Матфея, зачáло 43.**

**По 50-м псалмé стихира, глас 6:**

**Подóбен:** Егдá преставлénие:

Егдá страдáния претерпевáл есй, преподóбне Максíme, / тогдá, плáча и рыдáя, / молил есй святителя Макáрия: / дáждь ми узрети Святую Гóру — / молiтвенницу о вселénней. / Он же со слезáми вопияше ти: / о Максíme! / Вiжду тя невинóвна / молiтвенника и сокрушáюся, / úзы твоя яко едiнаго от святых целую, / а помощи не могу ти. / Но, о преподóбне óтче, / молися прилeжно Бóгу и Мáтери Егó / спастися сeтей врáжиих / нам невредiмым.

**Канóн Пресвятéй Богорóдице рáди Ея икóны, нарицáемая Ватопéдския, и преподóбному Максиму Греку канóн, глас 1.**

**Песнь 1**

**Ирмос:** Поiм, вси лю́дие, / от гóрькия рабóты фараóни Изрáиля измeншему / и во глубинé морстéй ногáми немóкрыми Настáвльшему / песнь побeдную, / яко прослáвился.

Воспéти кий язык возмóжет по достоянию / твоя, предивный óтче, вéлия исправлénия, высóкое учiтельство, / в темнице и во úзах мýченическое страдáние и долготерпéние?

Кáко воспоем и что ты наречeм, предóблий óтче? / Пророка ли, яко провещá неудобь разумеваемая и ведома я нам, / апóстола ли, яко зыблемую противными нам вéтры / утверди христиáнскую вéру Божéственных писáний учéнии, / учителя ли, но войстинну ничiм же хуждши и нижши есй великих óнех вселénских учiтель.

Воспéти Святаго и поклоняемаго Параклiта в темнице извещéние от Ангела приим, / сотворил есй канóн Святому Духу, / Имже ещe в воли просвещeн, священныя и Богодухновенныя кнiги составил есй.

**Богорóдичен:** Поiм, вси лю́дие, святыню и слáву Пречiстыя и Всепeтыя Бóжия Мáтере, / вiшшую

Небес и всех умных Сил, / поносившую в пречистой  
Своей утробе Еммануила, / яко свята и  
преславна есть.

### Песнь 3

**Ирмос:** Утверди мене, Христе, на недвижимом  
камени заповедей Твоих / и просвети мя светом  
лица Твоего: / несть бо свят, паче Тебе, Человеко-  
любче.

Утвердил еси, преподобне Максиме, в сердце  
своем Божественный страх, / вся похоти плотская  
возненавидев, / сего ради умудрился еси, якоже  
прост младенец, / и вслед Господеву востекл еси.

Утверждением имея распеншагося Господа  
Иисуса Христа, / странен, незнаем, бездомен, без-  
отечествен, / безыменен, безмыслен был еси,  
преподобне Максиме, / пред своими сродники,  
знаемыми и други.

Утверждаяся на заповедех Господних, / от горе-  
сти темничная был еси на мног час, яко мертв, / но  
деял еси о злонравных молитву, сиче глаголя: /  
Господи, Иисусе Христе, Сыне Бога Живаго, / не  
постави им греха сего, клеветующих на мя не-  
правду.

**Богородичен:** Утверди нас к хвалению Твоему,  
Деве, / и сохрани без вреда от всякия козны  
лукаваго, / и сподоби стояния одесную Единород-  
наго Сына Твоего, / Емуже подобает всякая слава,  
честь и поклонение во веки веков.

### Седален, глас 4:

Ум украсив поучении Богодохновенных Писа-  
ний, / трезвенною молитвою и бдении Богоугодны-  
ми, / утвердил еси сердце свое в Господе исполне-  
нием заповедей спасительных Его, / сего ради  
прославляют тя вину россиясти людие и Афон, /  
и обитель Ватопедская вкупе с нами вопиет: /  
Максиме премудре, не остави нас, молящихся  
тебе.

### Слава, и ныне, Богородичен:

Молю Тя, Пречистая Мати Бога Вышняго, / едино  
души моея утешение, упование, сладосте, / Божэ-  
ственный покрове, свете, заступление и спасе-  
ние! / Сподоби мя Твоими молитвами услышати

глас, / благословенных призывающий внутрь чер-  
тога Владыки.

#### Песнь 4

**Ирмос:** Вѣлія тайна / Твоего, Христѣ, смотре-  
нія: / сию бо свѣше провидя богозрительно,  
Аввакум, / изшел еси, вопияше Тебѣ, / во спасѣние  
людей Твоих, Человеколюбче.

От тайных еретических лжеучений / ничтоже  
утаися от тебе, преподобне Максиме, / но благода-  
тию Святаго и поклоняемаго Духа вся тебе  
откровена суть.

Таинственных догматов Православныя веры /  
не точно поборника истинна и верна себе пока-  
за, / но и паче преостра секира / на вся, яже под  
небесем, ереси явился еси.

Яко таин Святаго Духа строитель, / и Небеснаго  
жительства рачитель, и закона Господня учитель /  
войстинну показался еси, премудре Максиме.

**Богородичен:** Вѣлію таинству Моисей Богови-  
дец научен, зря купину неопалиму: / купина—  
немошь человеческого естества, / огонь же—  
Божество Единороднаго Сына Вѣшняго, / ибо Бог  
наш—огнь есть, поядая грехи наша, / якоже  
Божественный апостол рече.

#### Песнь 5

**Ирмос:** От нощи утренююще, поем Тя, Христѣ, /  
Отцу Собезначальна и Спаса душ наших, / мир  
мирови подаждь, Человеколюбче.

Нощию луна, днем солнце просвещают и веселят  
тварь всю видимую, / житие же и премудрость  
святых просвещают и веселят души всех челове-  
ков, / хотящих спастися и в разум истины прийти. /  
Сие и писания преподобнаго Максима Грека, яко  
богодуховенныя труды, велегласно вопиют.

В нощи молящуся тебе в темнице, / Богоначаль-  
ныя и Преплагия Троицы промыслом внем\* Ангел  
Господень и рече: / о старче! Сими муками избуде-  
ши вечных мук.

В нощи, яко сладкогласный и добропеснивый  
славий\*\*, / воспел еси, премудре Максиме: / не

\* внем—внял

\*\* славий—соловей

тужи, не скорби, ниже тоскуй о нихже,— / любезна ми душе,— / страждеша без правды, / твоя бо мзда велиа на Небесех.

**Богородичен:** От нощи утренююще, поем Тя, Дево, / Дщерь Цареву, рясны златыми одяну и преиспещрену, / лествицу, юже Иаков виде, / гору, юже благоволи Бог жити в ней, ибо Господь вселится до конца.

### Песнь 6

**Ирмос:** Пророка спасл еси от кита, Человеколюбче, / и мене из глубины прегрешений возведи, молюся.

Пророчески\*, преподобне Максиме, люди обличал еси, к покаянию приводя: / заблудихом, заблудихом от праваго и незаблуднаго жительства преподобных иноков / и без ума течем к почете вышняго звания.

Пророк покаяния явился еси, преподобне Максиме, / души трезвение снабдевая Божественными словесы / и из рова страстей возводя омраченных грехми.

Пророческия писания, в тайне глаголанная, / явны соделал еси, премудре Максиме, / сего ради послушают тя обильно вси людие.

**Богородичен:** Пророки Тя провозвестisha, Дево Чистая, / апостоли проповедаша, святии вси ублажisha, / мы же со Архангелом вопием: / радуйся, Благодатная, Господь с Тобою.

### Кондак, глас 8.

**Подобен:** Премудрости:

**Б**огодуховенным Писанием и Богословия проповеданием / неверствующих суемудрие обличил еси, всебогате, / паче же, в Православии исправляя, на стезю истиннаго познания наставил еси, / якоже свирель Богогласная, услаждая слышащих разумы, / непрестанно веселиши, Максиме досточудне, / сего ради молим Тя: / моли Христа Бога грехов оставление низпослати / верою поющим всесвятое твое успение, Максиме, отче наш.

\* Пророчески — как пророк

**Икос:**

**Ка́ко** воспое́м велича́йшему тезоименитаго \*,  
 Макси́ма предобляго? / преподобных краса венца,  
 страдальцев твёрдаго правила, / еретиков  
 неложнаго посрамления, Церкви столпа непоколеби́маго,  
 девственник известнаго наставника и супружества  
 честнаго заступника, / философов премудраго  
 мудреца, истины источника присно текущаго,  
 ино́к похвалу́ и всех людей воистинну украшение,  
 / сего́ ради мо́лим тя, досточудне Макси́ме:  
 / моли́ Христа́ Бо́га грехов оставление низпослати  
 / ве́рою пою́щим все́святое твоё успе́ние,  
 Макси́ме, о́тче наш.

**Песнь 7**

**Ирмос:** *Образу служи́ти, / мусикийскому согласию созыва́юще лю́ди, / от пёсней сионских пою́ще  
 оте́чески, о́троцы Дави́довы / мучителево разори́ша  
 злочестивое веление / и пла́мень в росу преложы́ша,  
 / песнь воспева́юще: / превозносимый о́тцев и наш  
 Бо́же, благословён еси́.*

**Образу** промышления Пресвятыя Троицы песнь благодарственну  
 воздав, преподобне Макси́ме, / вся ны призва́л еси́ благословити  
 небла́зненно О́тца, и Сы́на, и Свята́го Ду́ха, / Еди́наго Бо́га в  
 Трёх Ипоста́сах.

**Образ** злострадания, терпения и молитвы показался еси́,  
 свя́те Макси́ме, па́че же и упова́ния, / я́ко Бог Судия́ пра́веден,  
 и кре́пок, и долго-терпели́в еси́, / и Той возда́ст ко́ему́ждо по  
 де́лом егó.

**Образ** превы́спренняго Богослóвия стяжа́л еси́, премудре  
 Макси́ме, / сии еси́ догматы́ Божественных апо́стол и о́тец,  
 / от Свята́го Паракли́та излия́нныя, / имже и нас науча́еши  
 Богому́дрыми сво́ими писа́нии.

**Богорóдичен:** *Образ* пречы́стаго Твоего́ рожде́ства,  
 Де́во Ма́ти, / неизрече́нен и недове́дом еси́, / Ты бо  
 все́ление превече́наго Единоро́днаго Сы́на О́тца  
 была́ еси́, не опа́лившия от Него́.

\* велича́йшему тезоименитаго — имя Максим в переводе с латинского означает величайший

## Песнь 8

**Ирмос:** *В пламени огненне горящая пещи / сохранишаго дѣти / и во зраце Ангела снизшедшаго к ним, / пойте Господа / и превозносите Его во веки.*

**Пламене** Божественнаго Параклітова облистания возжелѣв, преподобне Максиме, / сего ради и сладчайшим свѣтом учения и чудес огнем / отгнал еси всякий мрак бесовский.

**Пламене** гееннскаго бѣгати люди научил еси, преподобне Максиме, / сих призывая делом совершати заповеди Христовы / и отступити злобы, блуда, лжи, гордости, лести и хищения неправеднаго чужих имений.

**Пламенно** нечестие еретическое попалил еси, премудре Максиме, / веры же христианския непорочныя Божественное исповѣдание изяснив.

**Богородичен:** *В пламени огненне горящая купины виде Тя Моисей Боговидец, / провозвестив безсеменное рождество Твое, Дево Пречистая, / сего ради и нас плотских страстей свободи.*

## Песнь 9

**Ирмос:** *Тебе, светлую свещу и Матерь Божию, / пречудную славу и вышшую всех тварей, / песньми величаем.*

**Тебе,** светлую свещу, и ум крайнейший, и столп непоколебим веры, / паче же наставника монахов и ересей наказателя проповѣдуем.

**Свѣтло** от полуденных стран возсиял еси, преподобне Максиме, / свѣтло житие показав, мрак лукавствия прогоняя / и благоприятною молитвою просияв.

**Свеща** Божественнаго разума быв, достигл еси в познание Сына Божия, / в мужа совершенна, в меру возраста Христова, / сего ради и мы вопием ти: / блажен ты еси воистинну по всему, / и подвиги, и славою, и благодатию, яже еси свыше получил.

**Богородичен:** *Тебе, и светлую свещу в ночи страстей, / и покров благостыни, и стѣну небориму от навет вражиих, / песнями велегласно величаем.*



### Светѣлен:

Свет возсиял есть преподобному Максиму Божественных словес и повелений, / сего ради яко свет второй и ум крайнейший нам явился.

### Слава, и ныне, Богородичен:

Ужасошася ангельския силы, зряще Деву, / Свет от Света в руках держащу, / чисте Рождшей вопиюще: / Свет возсиял есть нам от девических ложесн.

### На хвалитех стихиры, глас 8:

Отрекся еси себе, преподобне Максиме, / и странна себе показав всего жития сего суетнаго, / ни пище сладкой, ни славе, ни имением кому радуясь, / ниже дружбама сильных. / Вся же вкупе отринул еси нестяжательным житием, / и слезами, и безмолвием, молитвами, и бдением, и книжными прочтаниями, / Божественною добротой мысленно питаюсь, радуешься, / веселия присно наполняеми.

Максим преподобный, якоже и древле отцы, / не худе борения показав, / ово еретик словесы своими бия, / ово же верныя неподвижимо вере стояния укрепляя, / не поколебаша бо сего отца лютыя бури приражения, / ни темница, ни узы, тело держащи, / а душу просвещающи.

Максим премудрый, / второй земный и многострадальный херувим, / Божественную трапезу нам предлагает в памяти своей, / усердно тецем, о празднотлюбцы, / на пресладкий сей и изобильный источник, / распалившуюся жажду от ложных еретических учений угашающе / и души в Горния обители возводяще.

### Слава, глас 3:

Спаси нас Твоею благодатию, Пресвятая Троице, / Содетелю всех и Содержателю, / сохрани нас чисты, в настоящем убо житии благоверно служащих Ти, / в будущем веце сподоби соучинитися нам / Божественному лику избранных Твоих, / идеже шум чист празднующих и глас неизреченнаго веселия.

### И ныне, Богородичен:

Славословие великое.

На Литургии служба преподобническая.

**Преподобный Максим Грек** был сыном богатого сановника в городе Арте (Албания). В юности он много путешествовал, изучая языки и науки во Франции и Италии. В Париже преподобный Максим обучался у известного своей ученостью грека Иоанна Ласкариса. Свое образование он довершил во Флоренции и Венеции. Инокство преподобный Максим Грек принял на Святой Горе Афон в Ватопедской обители. Он с увлечением изучал древние рукописи, оставленные на Афоне иночествовавшими греческими императорами Андроником Палеологом (1376—1379) и Иоанном Кантакузеном (1341—1355). В то время великий князь Московский Василий III Иоаннович (1505—1533) пожелал разобратся в греческих рукописях и книгах своей матери, Софии Палеолог, и обратился на Афон с просьбой прислать ученого монаха. Выбор афонских старцев пал на преподобного Максима. В 1517 году инок Максим отправился в Москву и дорогой изучил русский язык. По прибытии ему было поручено перевести на славянский язык толкование на Псалтирь, затем толкование на книгу Деяний Апостолов и несколько богослужебных книг.

Поселившись в Чудовом монастыре в Кремле, преподобный Максим старался исполнить все поручения, с усердием устраняя обнаруженные им неточности в богослужебных книгах.

Митрополит Московский Варлаам (1511—1521) высоко ценил труды преподобного Максима. При митрополите Данииле (1522—1539) положение изменилось.

Митрополит Даниил потребовал, чтобы преподобный Максим перевел на славянский язык «Церковную историю» Феодорита. Преподобный Максим Грек решительно отказался от этого поручения, указывая на то, что «в сию историю включены письма раскольника Ария». С присущей ему прямотой преподобный Максим обличал установившийся в то время обычай иноков владеть недвижимым имуществом. Эти обстоятельства вызвали недовольство у митрополита Даниила. Несмотря на возникшие трудности, преподобный Максим продолжал трудиться на ниве духовного просвещения. Он перевел толкования



святителя Иоанна Злотоуста на Евангелия от Матфея и Иоанна, а также писал собственные полемические сочинения против магометан и язычников.

Когда великий князь Василий Иоаннович расторгнул брак с добродетельной супругой Соломонией Сабуровой (в иночестве преподобная София Суздальская, †1542, память 16 декабря), чтобы жениться на Елене Глинской, преподобный Максим прислал князю «Главы поучительные к начальствующим правоверных», обличая незаконный поступок князя. За это преподобный Максим в 1525 году был заключен в темницу Симонина монастыря. Неточности, обнаруженные в переводах, были вменены преподобному Максиму в вину как умышленная порча книг. После неправедного суда его заточили в Иосифо-Волоколамский монастырь, где содержали в тяжелых условиях. Мужественно перенося страдания, преподобный стяжал и великую милость Божию. Ему явился Ангел Господень, укрепивший его словами: «Терпи, старец! Этими муками избавишься от вечных мук». Преподобный Максим написал тогда углем на стенах темницы канон Святому Духу Утешителю, употребляемый и поныне Церковью.

Через шесть лет преподобного Максима освободили от тюремного заключения и послали под церковным запрещением в Тверь в Отрочь монастырь. Там он жил под надзором епископа Тверского и Кашинского Акакия (1522—1567), который милостиво обходился с невинно пострадавшим. Преподобный написал здесь автобиографическое произведение «Мысли, какими инок скорбный, заключенный в темницу, утешал и укреплял себя в терпении». Лишь через 20 лет пребывания в Твери, после смерти великого князя Василия и митрополита Даниила, с преподобного сняли церковное запрещение. По благословию митрополита Иоасафа (1539—1542) преподобный Максим мог ходить в церковь и приобщаться Святых Таин, с него сняли обвинение в ереси. В 1545 году Восточные Патриархи просили царя Иоанна IV Грозного (1533—1584) отпустить преподобного Максима на Афон, но безуспешно. Митрополит Московский Макарий, к которому преподобный Максим обратился с этой же просьбой, отвечал ему: «Узы твои целуем, как одного из святых, а помочь ничем не можем.» С 1551 года до конца своих дней преподобный Максим Грек жил в Троице-Сергиевом монастыре. Гонения и невзгоды отразились на здоровье преподобного, но он продолжал свои ученые труды. Вместе с келейником—учеником Нилом преподобный усердно переводил Псалтирь с греческого на славянский язык. При слабом телесном здоровье

он был полон духовной силы и продолжал бесстрашно говорить правду сильным мира сего. Когда царь Иоанн Грозный в 1553 году приехал на богомолье в Троице-Сергиеву обитель, преподобный Максим сказал, что ему лучше позаботиться о помощи вдовам и сиротам русских воинов, погибших под Казанью, чем ездить по обителям. «Не почтишь кровь убитых,—предрек он царю,—сын твой умрет». Царь не послушал праведного совета, и предсказание сбылось.

После пятидесятилетних трудов и страданий преподобный Максим Грек преставился ко Господу 21 января 1556 года. Умирая, он трижды осенил себя крестным знаменем. Честное тело преподобного было погребено у северо-западной стены церкви в честь Сошествия Святого Духа на апостолов в Троице-Сергиевом монастыре.

В 1591 году по указу Патриарха Иова были освидетельствованы мощи преподобного Максима Грека: «И от крыша, и поиде от мощей его благоухание, и цело и невредимо тело его, и ризы бяша и мантия и вся на нем покрывало не истле, и на персях руже его, и десная рука согбенна крестом». В тот день у гроба преподобного исцелилось 16 человек. В том же году Патриарх Иов благословил составить службу преподобному Максиму, написать его икону и праздновать память 21 января. Память преподобного Максима празднуется также с Собором Радонежских святых 6 июля.

